

DRUGA STRANA PRIČE O BH. PRUGAMA

Iz Željeznica FBiH tvrde: Nije tačno da su ugroženi životi putnika i naših uposlenika, a istina je da...

Hronika

18.11.16, 11:47h



PODIJELI NA



Obavještavam Vas da su tvrdnje koje su iznijeli predstavnici kompanija „Orman“ d.o.o. i „Glajz“ d.o.o. neistinite i lažne, te ističem da nisu dovedeni u opasnost uposlenici JP ŽFBiH d.o.o. Sarajevo, niti putnici, navodi se u reagiranju direktora Željeznica FBiH

POVEZANI TEKSTOVI

Alarmanto upozorenje: Zašto direktor 'Željeznica FBiH' rizikuje živote putnika i svojih mašinovođa?!

Kao odgovorni ljudi, građane BiH i predstavnike vlasti, najozbiljnije želimo ...

24 SATA

Sutra narandžasto upozorenje zbog pojačanog vjetra s olujnim udarima

Nakon samo godinu dana: Gasi se dnevna novina 'Faktor'

Adnan Terzić imenovan za novog direktora Autocesta FBiH

Osumnjičen da je silovao ženu nakon što ju je upoznao na Facebooku: Namamio je u stan i...

*Povodom saopštenja za javnost firmi „Orman“ d.o.o. Kiseljak i „Glajz“ d.o.o. Sarajevo u kojem su iznijete teške optužbe na račun rukovodstva Željeznica FBiH 'da rizikuju živote mašinovođa i putnika jer svjesno blokiraju sanaciju pruga oštećenih u poplavama', uslijedilo je reagiranje predsjednika uprave - generalnog direktora Željeznica FBiH **Enisa Džafića**.*

Reagiranje prenosimio u cjelosti...

Poštovani,

Obavještavam Vas da su tvrdnje koje su iznijeli predstavnici kompanija „Orman“ d.o.o. i „Glajz“ d.o.o. neistinite i lažne, te ističem da nisu dovedeni u opasnost uposlenici JP ŽFBiH d.o.o. Sarajevo, niti putnici.

Također, Uprava JP ŽFBiH d.o.o. Sarajevo, a ni Generalni direktor JP ŽFBiH d.o.o. Sarajevo ne koče realizaciju projekata obnove željezničke infrastrukture, koje su pogođene poplavama u 2014. godini. Rad JP ŽFBiH d.o.o. Sarajevo zasniva se na Statutu ove kompanije. Tim Statutom je regulisan način na koji kompanija može primati donacije ili se kreditno zaduživati.

Vlada FBiH 2014. godine se kreditno zadužila kod Svjetske banke kako bi osigurala određena sredstva za područje kompanija koje su pretrpile štete izazvane poplavama. Tim zaduženjem Vlade FBiH za JP ŽFBiH d.o.o. Sarajevo je predviđen [iznos](#) od 7,8 miliona KM.

Iako se JP ŽFBiH d.o.o. Sarajevo više puta obraćalo Vladi FBiH da nam dostavi Odluku o kakvim sredstvima se radi (grant ili kreditna sredstva), nikada nismo dobili odgovor. To je jedan od razloga zbog čega nismo u mogućnosti nastaviti projekat bez prethodne saglasnosti Vlade FBiH.

Dokaz:

- Akt JP ŽFBiH d.o.o. Sarajevo od 30.03.2016. godine.

U zadnje vrijeme učestao je pritisak na mene kao Predsjednika Uprave – Generalnog direktora od strane pomenutih kompanija, samo iz razloga što nisam spreman raditi suprotno Statutu JP ŽFBiH d.o.o. Sarajevo i važećim zakonima.

Moram Vas obavijestiti da je ovaj projekat koji je vodio prethodni Predsjednik Uprave – Generalni direktor – Nijaz Puzić vođen suprotno Statutu JP ŽFBiH d.o.o. Sarajevo i dodjeljivao je određene ugovore po ovom projektu, bez saglasnosti Uprave i Nadzornog odbora Društva što je suprotno Statutom i Zakonom o javnim preduzećima.

Kada sam došao na mjesto Predsjednika Uprave – Generalnog direktora, obavješten sam od strane Federalnog ministarstva poljoprivrede, vodoprivrede i šumarstva da je u postupku provedbe ovih tendera došlo do kršenja principa povjerljivosti, kao i sumnje u prevarne radnje članova evaluacione komisije.

Dokaz:

- Akt Federalnog ministarstva poljoprivrede, vodoprivrede i šumarstva od 04.11.2015. godine.

Nakon toga, Uprava JP ŽFBiH d.o.o. Sarajevo je formirala komisiju koja je izvršila analizu svih radnji koji su predmet ovih tendera i utvrdila niz kršenja procedura kod odabira najpovoljnijih ponuđača za predmetne radove.

Uprava i Nadzorni odbor JP ŽFBiH d.o.o. Sarajevo su donijeli odluke da su navedena sredstva koja su dodijeljena Društvu neophodna za finansiranje sanacije željezničke infrastrukture, ali obzirom na niz uočenih neregularnosti, kao i trenutnog stanja potreba za predviđenim nabavkama, donesena je odluka da se navdani tenderi trebaju poništiti u potpunosti i raspisati nove postupke u iznosu obezbjeđenih finansijskih sredstava u skladu sa stvarnim, trenutnim potrebama JP ŽFBiH d.o.o. Sarajevo.

Vrijednost tendera koji su predmet nabavke iznosi oko 9 miliona KM, a JP ŽFBiH d.o.o. Sarajevo trenutno raspolažu sa sredstvima u iznosu od 6,6 miliona KM.

Odluka Uprave Društva i Nadzornog odbora dostavljena je nadležnim ministarstvima od kojih do danas JP ŽFBiH d.o.o. Sarajevo nije dobilo nikakav odgovor.

Dokaz:

-Odluka Uprave Društva od 27.06.2016. godine.

-Odluka Nadzornog odbora od 31.08.2016. godine.

Odluku o izboru najpovoljnijeg ponuđača na tenderima koji trebaju izvršiti rekonstrukciju pruge, JP ŽFBiH d.o.o. Sarajevo, nikad nije dobilo od evaluacione komisije koja je provodila tendersku proceduru, a koju je formiralo Federalno ministarstvo poljoprivrede, vodoprivrede i šumarstva, koji provodi postupke nabavki.

Uprava JP ŽFBiH d.o.o. Sarajevo nije spremna raditi suprotno Statutu ovog preduzeća, kao što su u ranijem periodu radile određene odgovorne osobe ovog preduzeća.

Kada se steknu svi pravni uslovi za realizaciju projekta sanacije šteta od poplava, JP ŽFBiH d.o.o. Sarajevo će istom pristupiti.

1. Dakle, u ovom slučaju se ne radi o sredstvima za rekonstrukciju pruge Sarajevo – Zenica, kako navode firme „Orman“ d.o.o. i „Glajz“ d.o.o., nego o sredstvima za sanaciju šteta od poplava koje su nastale u maju 2014. godine

2. JP ŽFBiH d.o.o. Sarajevo nikad nisu dobile validnu odluku Vlade FBiH da su navedena novčana sredstva donacija za JP ŽFBiH d.o.o. Sarajevo

3. Federalno ministarstvo poljoprivrede, vodoprivrede i šumarstva, koje provodi tendere nikada nije dostavilo odluku JP ŽFBiH d.o.o. Sarajevo o izboru najpovoljnijeg ponuđača.

***Predsjednik Uprave-Generalni direktor
Enis Džafić, mr.ecc***

(DEPO PORTAL/BLIN MAGAZIN/ad)



Recommend



Share 3 people recommend this. Be the first of your friends.